

迦陵詞全集

迎陵詞全集卷六

宜興陳維崧其年著

同邑徐喈鳳竹逸

弟 維岳緯雲

參閱

海鹽彭孫通美門

宗石子萬

日照李應薦愚庵

男履端

嘉定孫致彌愷似

姪賜薛

校

中調

臨江仙

偶作

憶在冶城公膝下圍棋年少知名石頭兒女本輕盈象牀
春縱博珠衿夜彈箏 倏忽過江門第換中原飛渡群僮
吳霜點鬢不勝情案頭無鬼論肘後淨名經

酬贈崇川陶月嶠

四十男兒方墜地家聲列戟風流翩翩挾彈少年游兄居
長樂尉王尚富平侯 詎料蹉跎空老大逢君楚尾吳頭
酒闌話向北風愁無家徐僕射有淚白江州

詠竹夫人

孤竹君原稱苦節晚遺弱息江村夜涼薦寢暫承恩斑駁
江上點冷浸月中魂 青女秋來休見妬此身自有根源
化爲橫笛響夔門但憑關塞曲吹裂小龍孫
十載蕭蕭湘岸住梢烟惹雨參差如今枕畔露華滋身居
清暑殿夢到竹郎祠 琢就細腰水幾尺宵來御輦頻辭
一生疎直許誰知霜砧來別院紈扇憶同時

春日過訪友人村居值其往郡題詞壁間而去

城居爲
余比隣

早起隔墻花弄影忽然空館相思隣家已換燕空飛許冬
惆悵事訴與落紅知 百里烟航遙訪戴柴門鎖向春磯
沉吟暗詠壁間詩徑開山以麓村在水之湄

二語友人
門前自署

武塘贈錢巖燭

黃竹篙兒如雁叫西風直放江船櫓聲搖破鶴湖烟園林
排水次甲第盡花前 公子才華尤絕勝翩翩氣壓幽燕
新詞脫手萬人傳暗香姜白石殘月柳屯田

贈柯翰周

玉樹三柯偏競秀枝枝黛色嶙峋一枝纔茁便凌雲車從
新市出衣用異香薰 此日相逢猶未晚當年真恨離羣
狂歌莫問水犀軍好將腸斷句寫徧石榴裙

寒柳

自別西風憔悴甚東雲流水平橋并無黃葉伴飄飄亂鴉
三四點愁坐話無膠雪壓西村茅舍重怕他楫柁同燒
好留蠻樣到春宵三眠明歲事重鬪小樓腰

七娘子

又一體

汲女

柴門之外清江曉兩三枝映竹天桃小鬪茗偏忙澆花趁
早銅瓶翠縷深深抱汲餘閒數雙棲鳥坐晴磯紅上梨
渦悄率地許防有人低笑浣衣娘又盈盈到

蝶戀花

紀艷十首

劉氏三娘雙姊妹○生小繁華家住鷄鳴埭○梵字闌干苔影

碎妝樓恰與春波對。兩小後堂曾博簪。阿母簾前此日

教重會。傳語翻風空至。再蟬釵只靠秋千背。避人

簾外桐花閒弄影。不便相辭。悄語傳聲諱。猶自眉峯烟不

定。避人奩內添宮餅。說道今宵天色冷。且自畱停。莫憾

獨兒醒。珠斗爛斑斜又整。人間第一消魂景。促坐

犀蒜銀釘紅玉榻。小小簾櫳。不與金堂接。鬪草又慵彈阮

怯。邀郎今夜拋金葉。百子枝花香粉浥。郎是椿家好把

豪犀厭。音葉小負紅潮生兩頰。給郎博進惟榆筴。音葉

涼夜金銜天似洗。打疊銀篝。薰透吳綾被。作劇消愁何計

是。鬢絲扶定相思子。對漾紅繩低復起。明月光中亂捲

瀟湘水。匿笑佳人聲不止。檀奴小絆花陰裡。跳索

梔子簾前對鵲腦。隔著屏山。愛聽銀箏好。唱盡紅鹽人不

曉依稱記是蕭郎稿 偷得新聲三兩調 悄學春鶯唇綻

櫻桃小銀蒜輕搖郎到了 和羞吹滅蘭缸早 聽歌

亞字關干花一朵 每到花朝春夢偏難妥 女伴相携爭姍

姍迷藏小捉妝樓左 鬢棗微鬆蟬翼擘 怕有人窺輕合

黃金鎖戲罷 偃人苔砌坐 日移交網花陰鏡 迷藏

拂曉相逢花弄口 如此天寒何事清晨走 小院綠熊鋪褥

厚玉梅花下交三九 招入綉屏閒寫久 斜送橫波郎莫

衣单否袖裡任郎沾寶獸 龍手壓描鸞手 團爐

一帶紅牆剛六幅 忽聽簫聲欲斷還將續 知是東隣吹鳳

竹邀來教弄相思曲 風起落花紅皎皎 香唾猩絨小印

琅玕束故說玉人吹未熟 明朝重到黃金屋 教簫

年少雙文能勸酒 笑折花枝今夜為郎壽 紅燭厭厭籠翠

三 見二生

花城矣。此是貧家真富貴。人間富貴還如戲。

五月荆南新漲至。一片芟蘆總把川光翳。閣外溪風來也。未陰陰先作鏗鉤勢。水郭漣漪逾十里。買件蓑衣走入漁翁隊。日落笛聲蓬背起。封侯不換垂綸戲。

五月荆南蒸濕翠。墻脚苔生礎潤垣衣膩。院靜日長沉水費。曹騰兀坐思陳事。憶看京江江萬里。爛若銀盤倒插金山寺。雪片崩濤飛彩幟。妙高臺下龍舟戲。

五月荆南佳節至。角黍堆盤嫩綠窗前醉。絳縷絲絲斜纏臂。釵符顛罷簾痕裊。五毒羅囊裙帶繫。始信人生騎虎

非難事。折得海榴紅染袂。蒲根鏤作葫蘆戲。

五月荆南多酒會。蜜蟹糟螿新自江船寄。杏酪攪酥偏沁肺。桃膏紅透冰莖內。萬事蒼茫休問矣。舖啜吾生此舉。

強人意。閒看雨絲珠網縷。分明空裡穿珠戲。

五月荆南秧早蒔。黃紙飛來溫語從天至。見說東南民力
微。秋租減半明年事。比屋歡騰還雪涕。只恐來年還似
常年例。我語村農休過計。官家自古言無戲。

六月詞再用前韵

六月荆南村貼水。蒲葦成蔭屋傍漁庄尾。濫濫野風波面
起。湖梢直灌橋門裡。白髮老翁無個事。掩罷柴扉選塊
陰涼地。招手老妻牽稚子。團團聽話隋唐戲。

六月荆南天似醉。雨嫩如無恰又吹來細。贏得遙山都欲
睡。模糊失却青螺髻。簷溜漸刪刪不已。忽見中庭一縷
晴虹起。那禁群兒爭笑指。碧翁也着斑斕戲。

六月荆南蒸暑氣。過了梅天市上無兼味。白小黃魚稀少

至老饜鎮日涎垂地。紅糯新炊淘菟滓。現醬葵羹也自饒。風致鼓腹陶然吾足矣。瓜棚之下閒游戲。

六月荆南閒也未。一月停忙暫緩官糧比。聞道開徵今日始。新絲賣了來城市。不信何花名茉莉。却與儂家白豨花相類。笑煞長橋橋上子。市兒慣取村兒戲。

六月荆南多水市。鞋樣涼船柳樹根頭簷。菱白菱紅排沈尾。漁翁又糶鷓頭米。一望風荷兼雨菱。纔見錢錢又早

田田矣。剝罷蓮蓬何處使。採來做箇人兒戲。小兒剝蓮蓬以線縛之反

裴振袂儼然老翁名蓮蓬人兒

六月荆南蟬早沸。做曉連陰夏已賒。秋意莫謂晚涼饒爽

致。田禾最怕床頭被。六月諺云床上蓋了被田中無了米長日經營無好

計。枕上詩成記又無。頭尾且拾厨中青鴨子。糊他一盞螢

燈戲

六月荆南人早起倚閣看雲雲氣朝朝異天矯軒騰兼蔚
跋火雲燒却銅峯翠蜃國那須誇海市換狗更衣反覆
須臾耳若問世間還勝此天公聊學人情戲

六月荆南門屢閉壁上烏巾挂着多時矣客到蕉窗時一
敲不迎不送貪徒跳問我新編今有幾叩首主臣夜火
燒殘矣消夏祇餘詞一紙君休晒我篇篇戲

夏日睡起卽事

幾日戎葵墜下長烟膩吳天難得心情爽風裊茶烟斜翠
幌燕雛爭把香泥捨窗小綠陰偏簸蕩夢覺循牆暗地
聞來往誰打樓前銅砌響熟梅自落中門上

本意

記在綉裙親見汝深院潛行暮又花間過綬綠粘紅無定
處濛濛撲徧東園路 艷粉退來還幾度天若多情休遣
春光暮拆了鞦韆飛却絮成團滾過牆頭去

咏水仙花

小小哥窈窕似雪插一瓶烟不辨花和葉碧暈檀痕姿態
別東風悄把瓊酥捻 灑漱空濛天水接千頃烟波羅襪
行來也昨夜洞庭初上月含情獨對姮娥說

清明同諸子集原白齋中

柳線黃時雛燕乳爲揀芹泥掠盡廉纖雨今日風光剛百
五新晴鬪煞新粧嫵 須聽尊前喧畫鼓照眼花枝負了
卿何苦不信試看風起處亂紅砌滿春歸路

後庭宴

春日同仲震過譙巖先生齋看牡丹

齊名
壺天

天寶名花蓬萊新築君家最有仙家福洛陽千里錦年光
掛來都向壺中縮 盈盈複磴迴廊裊裊嬌絲脆竹綠窗
低唱換了華清曲歷亂夜燈紅被簾風小蹴

一剪梅

吳門客舍初度作

風打孤鴻浪打鷗四十揚州五十蘇州半生習氣破除休
少日倡樓老去僧樓 故壘蕭蕭蘆荻秋說甚曹劉只羨
孫劉鱗諸巷內且淹留烽火邊愁風雪羈愁

七夕由虞城渡河至單縣

客裡流光迅逝波五日纔過七夕將過殊鄉令節巧難
星渡銀河人渡黃河 劇憐良夜不如他天上情多地上

誰多紅閣兩地感愁職大婦停梭小婦停梭

釵頭鳳

艷情

薔薇○錦○鞦韆○架○中○門○闔○鎖○聲○繞○龍○銀○燭○側○銅○屏○正○記○來○約○
畧○行○來○疑○惑○黑○黑○黑○幽○窗○下○紅○燈○照○夜○闌○綠○水○昏○如○畫○
花○紋○榻○玲○瓏○極○剪○刀○尚○響○冠○兒○未○換○鬢○

和蘧庵先生詞用原韻

琢○月○手○談○天○口○胸○中○雲○夢○不○須○九○寧○游○戲○非○文○字○問○他○作○
者○幾○人○會○會○未○未○未○情○絲○鏤○啼○珠○溜○斷○腸○怕○學○屯○田○柳○
羞○溼○洳○翻○清○徵○笛○吹○江○閣○帆○騎○峽○水○似○似○似

朝玉階

冬日過惠山下一梅亭

曲徑斜橋澗影迤空山亭子好趁閒過小軒颺水似殘荷
石欄經雨澁遍青莎短墻叢竹受風多一聲漁磬香濕
烟簑黃梅着色鬪新鵝折來堪作供佛頭螺

唐多令

春愁

蟬鬢隔花陰香肌壓翠衾風前一笑擲千金記得那時明
月底剛半線露丹襟銀鑰杳沉沉朱樓阻信音流鶯啼
破綠窗深清淚未彈紅淚滴流不了到如今

廣陵上巳

板渚柳枝橫津樓酒旆輕舊繁華猶記蕪城正是穠春逢
上巳多少事麗人行年少愛風情紅粧識姓名杜紫微
此地曾經今日鬢絲真老大和燕子語平生

夜飲紀事

無夢覓封侯隨緣做浪游儘顛狂錦瑟紅篝聽得關山調
入破重惹起半生愁心事付沙鷗閒身伴杜秋問乾坤
何地埋憂月到五更還未落人倚在水明樓

重九後食蟹半醉作

無菊底須愁桂花香正幽與諸君且築糟丘不記昨宵重
九節風雨裡怕登樓半醉睨吳鉤吾生行且休任古來
割據孫劉龍嶺岸頭渾不羨偏只愛內黃侯

蟹名內黃侯

擁被

早漏滅銀虬新寒警畫樓漾翠恩紅日驚眸幄裡餘溫猶
可戀纔欲起又還休花好懶擡頭簾垂怕上鉤惱簷前
鬪雀喧鳩護惜衾窩畱夢在莫捲去半床愁

春暮半塘小泊

水榭枕官河朱欄倚粉娥記早春欄畔曾過關着綠紗窗
一扇吹鈿笛是伊麼無語注橫波裙花信手搓恨年光
一往蹉跎賣了杏花挑了菜春縱好已無多

攤破醜奴兒

紀艷

隔簾按碎相思甚斜著鳥雲漾著紅巾嬾嬾亭亭一段春
是耶難道是昨宵人 戟門闔却葳蕤鎖花氣氤氳月色
續粉牆角猶兒吹夜分非耶誰道是昨宵人

繫裙腰

咏裙

滿園草色綠迢迢都吹上小裙腰棲鷺宿蝶風流甚暗暈

紅潮輕颺處，鬢垂髻。有時沉在簾兒底，依稀微露輕綃。
隔花繡帶無風轉，淺立春宵。想應拂徧落梅嬌。

明月逐人來

惠山山麓謁睢陽祠

壞廊徑仄哀湍響，激松杉外層層。夜色悲歌，南八箭着浮
圖斃鐵像，賀蘭苔澁。斟得一杯黛瀼，幾甌茗汁，依稀見
雲旗下食，恰逢泓底龍嘯。潭風急，又認戍樓聞笛。

贊成功

憶梁園客夏避暑開元寺南湖草堂與徐恭士宋

牧仲家亦人別駕，四五兩舍弟僧。雪笠日夕談
讌，別來遂及一載，詞以誌憶。

好風涼夜，新月疎桐，一年前事尚濛濛。記曾避暑梁孝園。

中野塘水碧古寺墻紅 溪友詞客兩箇霜蓬弄人衫子
釣絲風別來一載憔悴江東南湖魚鳥定也憐儂

似娘兒

舟過婁門卽事

渡口綠簑斜繞子城碧浪周遮誰知我是玄真子賣飴天
氣憑橈心事蕩槳生涯 水面小窗紗響棖棖誰摘琵琶
東風似夢回頭望絕無人影粉墻之內一樹桃花

迦陵詞全集卷六終

迎陵詞全集卷七

宜興陳維崧其年著

合肥龔士禎伯通

弟 維岳緯雲
宗石子萬 叅閱

章丘曹貞吉實庵

選

無錫嚴繩孫蓀友

男履端 校

安平吳 玠宋卿

姪賜薛

青杏兒

本意

六尺小簾漪交網外杏子纍纍流光暗換無人覺纔看綠
綻俄驚茜透忽訝黃垂 回首憶芳菲記二月花正開時
勻圓擬把筠籃摘怪他牆上誰家颺過紅畫竿兒

定風波

懷潁川劉公敞記與茂之公敞小飲紅橋幾一年
矣故有此作

昨歲行歌古竹西廣陵三月柳綿飛誰更扶筇郊外走林
叟開元遺事說依稀 時序巖流驚又換春半風光雖似
舊游非緣到江南清潁尾春七潯潏好爲寄相思

贈牧仲歌兒阿陸

蝴蝶成團榆筴飛輕狂恰稱五銖衣若問年華剛幾許數
數晚峯十二正愁時 莫道梁園非故土且住得人怜處
不須歸問控郎君堂後馬偷跨陸郎從古愛斑駁

斑駁陸郎係樂

又贈歌兒阿增

持底尊前贈阿增濃纖一幅繚紅綾上寫蠅頭無數字

記千絲萬縷意層層 好向歌樓并舞院常見細腰束罷
怕難勝莫到春街閒賭戲輕棄他年知否憶來會

紫薇花

一樹曠曠炤書梁蓮衣相映闕紅粧纔試麻姑織鳥爪
裹裹無風嬌影自輕颺 紫薇樹以指爪搗之則無風而動 誰凭玉闌干細

語爾汝檀郎原自紫薇郎聞道花紅無百日難得笑他團
扇怕秋涼

九來半萼團東偏爲余新闢一浴室解衣盤礴致
甚適也詞以紀之

身是荆南白鷺群拍波只愛絮紛紛自笑此生饒水癖爲
客那能長弄畫溪雲 竹徑粉牆泉又冽清絕人間何處
有塵氛浴罷簾痕冰雪做閒臥快吹長笛送斜曛

齊世家爲閭牛叟賦

牛叟兌閭遺教日妻名仙竊字少姜女兄弟五人幼者達

予從兄自名其讀書處曰兌閭妻丁姓予恒呼之爲濟陽君

華閨由來數濟陽國風從古說齊姜輕喚紅閨名更好仙
竊盈盈林下是閨房 記得詩人佳號否牛叟果然織女
配牛郎門內雙丁尤異事姊妹劉家還有第三娘

蘇幕遮

詠梔子花

玉羅鬆檀暈嬌朶朶同心開在簾垂處茉莉闌猶未乳
早綻瓊葩借與人消暑 不禁風時怯雨浴罷鬢偏摘向
欄邊去翠帳陰陰宵未午月黑花明凝得房櫳曙

漁家傲

宣城道上

古木叢祠山逕細
野花斑竹粘天際
蕭瑟崢嶸誰可擬
墟烟起家家水驛
門斜閉
三秋搖落悲游子
一鞭自裹西風裡
歇馬溪橋人乍倚
樵夫指麻姑大好朝來髻

宜城有麻姑山

聞西樵方爲京口三山之游却寄

晴日南徐風景異
蒲帆飽趁春濤駛
一片江山千古事
同兒戲
伯符志業何曾遂
月下租船人咏史
使君大有凌雲氣
滿目茫茫愁對此
橫笛裡妙高臺上吹新水

三月十八雨中同杜茶村韓爾鉉黃稚曾過飲錢

礎日十峰草堂同用范希文原韻

說鬼談天矜博異
自循短髮無生意
醉舞仙仙鸚鵡起
深徑裡怕窺狂態門
須閉
何用屢屢嗟
百里吾生自有驅
愁計却笑天公煩惱地
渾如寐
朝朝只酒花間淚

新秋卽事和雲臣韻

蛩響纔將餘火送砧聲又迫秋情動天上雙丸誰播弄閑
愁重人間白髮憑伊種一枕瑤妃斟綠甕驂鸞翳鶴群
真哄覺後匡床無與共真成夢亂雲封却華陽洞

晨喚青童沿砌掃待他一葉占秋早浣取幽墀如鏡好秋
已到碧天萬斛銀潢倒莫使秋光容易老等閑黃了天
涯草靜聽跳珠荷葉鬧臨流釣忘機不怕群鷗惱

羊流店懷古

叔子故里

太傅千秋存故里我來削面西風起欲問遺踪何處是傍
人指亂碑沒入寒蕪裡今日江山仍戰壘野花闌盡前
朝史儒將雍容能有幾休相戲何如銅雀臺前伎

齊河縣

旬日崎嶇行左擔征車礪學投山店魯酒何如愁思醞心
情減白頭彩筆渾相賺 竟有估怗三四點楓根也繫斜
陽纜新月初黃偏灑灑鋪竹簟笛聲快作伊州犯

破陣子

江上作

千頃晴漪縠綠四圍晚響粘紅蛋戶熨恍來海外犀液龍
豨貯月中寒潮打故宮 雁叫酸然欲雨鬣吟若若成風
劉毅宅邊堆蔓草郭璞墳前擁斷蓬秋江愁殺儂

擬過竹逸齋前探梅輒因雨阻詞以柬之

昨夜雛寒側側今晨小雨濛濛屢擬尋花過澗北屢約聽
鶯到水東心情無那慵 麗景偏憐易謝冶游最惜難逢
四百八十南朝寺二十四番花信風鶉啼催落紅

落燈風

冬閨

五更一陣寒偏準冷焰挑來纔半寸無語撥香灰天應要
糝劍街粉怪底霜風緊 簾外烏龍眠不穩城河小結水
猶嫩江梅入舊年掀破床頭殘曆本歲盡愁難盡

鳳銜盃

偶感

弱柳絲絲街前漾正初學小蠻腰樣有隔水紅牆翠樓倒
映牆頭上聽樓內三絃響 恰重經人已往帽簷斜倚風
疑想只似夢如烟柳花撲地漫天放尋不出伊門巷

觀音山游暮歸卽景

香紅暝翠風吹散依舊在心頭嵌滿恰殘夢惜騰牆圍青

粉誰家館正隔水飄歌板
柳絲樓梨花苑雨濛濛畫船
歸晚剩薺菜連天檀心嬌煞無人管黃了春城一半

喝火令

偶憶

架上紅鸚鵡簾邊玉辟邪
堯娘懶上卓金車
鬢髮一窩濃綠未成鴉
嬌我春吹笛邀人夜
闌茶如今庭院隔天涯
記得沿街一樹粉梨花
記得花陰微露幾扇綠窗紗

醉春風

艷情

月○躡○跡○缸○冥○風○細○花○陰○冷○紫○茸○帳○底○拍○蕭○娘○醺○醺○良○夜○
難○逢○脚○歡○可○惜○休○教○醉○酩○酒○初○烹○茗○蟹○菊○猶○生○鼎○紅○
袖○枕○畔○語○柳○郎○等○等○城○上○人○行○籠○中○鳥○喚○如○何○便○肯○

脆艷之極
人醉心狂
士因之醉不
謀不來矣

上巳陰雨憶乙巳暮春與王阮亭主客修禊洗鉢
池上時慨然成咏

風約飛紅趁雨沈香泥印春歸筭隔幾多時近近挑菜
人稀湔裙節過賣餠聲緊已少尋春分好把閒愁論那
年却記共王郎韻韻韻絲管精詳賓朋妥貼心情安頓

春日飲遠公海棠花下和竹逸作

榨就真珠味瀉向玻璃內勸花花只苦推辭醉醉醺淺
潮生杯濃暈重惱郎多事滿院春深閉六幅簾垂地抱
花花又苦推辭睡睡睡嬌極難勝困酣難醒笑郎無謂

春暮

紅老鶯偏趁綠暗窗難認等閒颺起楝花風悶悶澁悶
凭殷舞衫疊駝玉釵敲壘不放東皇閤權取倚錢懸送

春暫去幾時歸問問明歲新年水邊郭外候伊來信

麥秀兩岐

爲周貞女題詞

既許驅金犢便合歌黃鵠斷腸花貞女木碧海孤鷺宿
綠箱提上秋墳驚薜蘿難綠何必諧花燭長願鑄冰玉夢
中魂看未熟想像豎而哭夸娥有意扶坤軸愧他臣僕

侍香金童

題閨秀畫扇用湘瑟詞韻

蕃馬平沙六扇屏風摺映的的腮渦紅暈頰孽阮呀等都
未愜只把檀槽粉偎酥貼偶臨花蕊樣閒將螺管捻襯
幾筆烟條露葉料爾前身枝上曉乍昏齊紈燕窺鶯踏

獻衷心

商丘城外二十里曰水墅鋪此地白蓮花最盛綿
亘數十畝予友侯叔岱家焉常坐我花際詞以
懷之

記故人家在水墅之東荷十里白濛濛想兔園殘雪尚綴
藕塘中偏作態將膩粉換香紅花隱約月朦朧此身疑
在廣寒宮筭最難忘得雨幔烟蓬今何夕人悵望水連空

芭蕉雨

咏秋雨

似夢如塵淅淅乍無還乍有何時歇夜永三更將絕正值
曲巷砧鳴頽牆蛩咽陣陣羅衾涼徹愁共小屏摺蓬白
雁北來和人說說道漢寢唐陵今夜雨灑丹楓盡流紅血

春雨

輕煖輕寒時節東風將柳絮搓香雪暗惹翠蛾千結絕似
細雨紅橋情人乍別 綠窗花影半摺待折未曾折儘草
上輕狂雙黃蝶亂撲着雨和烟攪得今歲韶光不成三月

驟雨

日午絳雲烘墨渴烏偏掉尾威胡赫一霎溪風涼激誰取
十萬水絃輓來霹靂 急雨琤琮裂帛萬瓦戰金鐵轟餘
怒猶思壞墻壁此際白苧涼衫獨上快閣臨風鬢如鬪磔

輓繡毬

紀游

淡蕩刺梅圓被紫蘂成團勾去雜花眠砌雛鶯梳阮赤欄
銀井想經昨夜一場新雨 門外天寒如許小樓上有人
知否斷無消息可勝惆悵兩層門內惟聞絃響棖棖不佳

品令

夏夜

夜色涼千頃。攜笛簫、依金井。轆轤清冷。一天松籟，半規晶
餅。慢瀉流光，漸映素蕤絲茗。微茫杳冥。水廊外、風荷整。
闌干碎拍，舊游何處。瑤京路永。簾滿空庭，簾影樹影鬢影。
酷相思

冬日行彰德衛輝諸處馬上作

趙北燕南多驛路。見一帶、霜紅樹。又天外、亂山青可數。
臺也知何處。雀臺也知何處。一鞭裊裊臨官渡。雁叫酸
如雨。儘古往今來，誇割據。漳水也東流去。淇水也東流去。
淡黃柳

道院中見黃木香詞以咏之

蜂黃褪了爭上枝頭簇嫩蕊成叢紫澗竹覆徧書窗小屋
揉入紅槽碎珠續壓醅熟蕭疎亂秋菊引柔蔓暗香觸
月昏黃料爾傷幽獨折上鍊師通明冠子雅稱厭禳粧束
玉梅令

南耕所葺書舍顏曰梅廬昨始移得古梅一株連
以誇我走筆戲東

舊營梅舍不見些梅也今朝真見梅精嫁看蘚鋪鐵鼠并
石繡銅柯黛色成圍濤聲暗瀉癖處疑顛狂來相詫說
此樂甚於僕射燃橫枝微嗅何必待花開香已在枕稜窗
罅

同雲臣諸子過放庵禪院看梅時積雨新霽

禪房甚綺有粉英嬌倚連宵雨幾枝臨水恰小停響展簷

隙已微紅紗窗日影頓添半指
茶鎗酒竈都饒名理只
軒外怕東風起囑成團香雪休去舞春城須片片墮金尊
裡

錦纏道

將發玉峰寄緯雪弟村居

老去江東拚向漁樵寄傲問何爲衝炎席帽年年作苦雜
傭保赤日紅塵怕相嘲程曉想西溪草堂雨杉烟篠傍
苔陰置筆床茶竈晚涼濯足歛湖恰估船笛響風定菱絲
亂

冬日溪行

紅葉攢天烘得柴門如醉板橋南昏鴉成隊遙村界得寒
林碎一派疎簷更繞遙村背夕炤炫紅黃半陂明晦

碓
停船荻花以內被沙禽喚起西風激千層銀沫亂把晴磯

厭金杯

戲咏螢燈

小似香囊空於湘水映疎螢紗痕逾翠墨花幾幅而面小
徐熙涼夜戲茉莉梢頭輕綴 頰吹難滅不別長鮮耿耿
處無情有思樓昏月黑嫌煞燭籠明水簾底窺見一星星
事

垂絲釣

戲咏貓

房櫳瀟灑狸奴嬉戲簷下睡熟蝶裙兒縐納衩梅已謝撒
粉英一把將伊惹 正風光艷冶尋春逐隊小樓窠響鴛

打
无花嬌柳妖向畫廊眠藉低撼輕紅架鸚鵡怕喚玉郎情

行香子

為李武曾題扇上美人同弟緯雲賦

烟樣羅襦月樣銀鈎人立處風景全幽誰將紈扇細寫風
流有一分水一分墨一分愁天銜似水迢迢涼夜十年
前事上心頭雙飄裙帶曾伴新秋在那家庭那家院那家
樓

同岵雲上人魯望弟過徐氏園亭

巖石支泉架壑招烟小橋外老屋斜川潔何忍垂靜欲成
眠恰半欄花數陂竹一湖蓮距村背郭增弘蕭瑟似矚
廬又似漁船無冬無夏非陌非阡儘畫呼盧朝說劍夜鳴

絃

廻舟卽事

紅樹槎枒綠水周，
遮邊舟廻水驛幽。
斜一樽似夢萬事如，
麻歎吾衰也行不得住爲佳。
極天烽火依然此，
地小樓前人戴黃花船頭側聽不是悲。
笳是前溪口新月底撥琵琶。

青玉案

咏糟醢

春醒未析三更後，
橙片切蔬絲糝食品厨娘編解鬪滑應。
凝盃鬆難勝齒幾辨媽紅透。
金刀小向霜天剖，
越穰出春纖消瘦捧處紅糟先欲溜。
小姬無語老鑿狂叫把與梅同嗅。

咏油車螯

擊鮮海錯金盤瀉絕稱是春寒夜輕點吳酸魂已化和酥
爲滷帶脂成釀二月花前榨生平斫鱸兼行炙枉行遍
屠門蟹舍風味似伊休論價差宜下酒雅堪鬪茗携向江
南詫

咏醉白蝦

半籠春水溶如鏡早傾向金盤淨一片空明嬌掩映霜著
半呷雪肌半挺似帶春醒病尋常蝦菜空相競誰解得
高陽心性細憶風姿心自省十分酒氣三分生氣羞與候
鯖並

移寓積翠閣用藝香詞韻

梯空架就羊腸路領俊鷗穿烟去牕豁正當山破處天風

頽洞吹完今古只剩龍窩住
松毛純碧騰狸鼠下散寒
潭瘦蛟舞老樹得風都作語
半床泉氣一簾山霧晴晝家
家雨

夏日懷燕市葡萄

風窗水枕誰消暑記百顆堆盤處
掬罷盈盈嬌欲語輕明
晶透芳鮮圓綻小摘西山雨
長安萬事俱塵土惟有高
情難忘汝暗想風姿奚似許
爽疑燕筑醇如刁酒滑類華
清乳

雁字

未乾墨蹟遙天外間付與斜陽曬
狂掃八分臨阿買頰紅
霞尾蔚藍天色好幅烏絲界
年年未了銜蘆債入塞幾
時還出塞盤作擘窠鬚作蠹憑誰
偷做十三行帖寫上銀

等昔

鳳凰閣

元夕後一日同雲臣放庵過安樂禪院

柱東風費力陌頭飄掠無燈何處好吹落獨有一枝梅蕊
春意先覺且步過寺橋溪閣一聲幽磬香氣暗縈林薄
寺門小立盼寥廓流水外遠山尖積雪埋却甚日覩翠驪
如削

汴京夜雨

被西風送到東京更鼓又添隔巷數聲杵暗想半生淪落
廿載羈旅總不比今番淒楚朦朧枕畔不斷吳娘鳴櫓
醒來有甚好心緒人瘦也怪黃花瘦也如許滴不了秋簷
夜雨

虎丘喜遇侯記原大年

記摘船吟雨倚樓題柳焚川水榭暫携手一自消魂賦別
幾度回首沈家合帶鬪鞍瘦帽簷微側斟酌橋邊閒走
故人忽遇半塘口知尹綠小軒前叢桂開久却底事還眠

虎阜

尹綠秬園
中軒名

迎陵詞全集卷七終

迦陵詞全集卷八

宜興陳維崧其年著

山陽丘象隨季貞

弟 維岳緯雲

參閱

秀水朱彝尊竹垞

宗石子萬

長洲宋實穎既亭

男履端

同邑曹亮武南耕

姪賜薛 校

感皇恩

晚涼雜憶

記得鎮淮門風蓬競舉都歇荷潭最深處綠簑烏榜鴈翅
玲瓏無數嫩涼三萬頃誰先取 茱萸灣冷山光寺古玉
尊頻傾水天暮酒紅上面笑拊冰肌銷暑三年渾一夢揚
州路

記赴過江船遠帆疑豆北固喧
厖怒濤吼江山如此消得
幾場詩酒舉杯遙酌取黃公覆
水雲輕葛陽陰雜糅奇
石成獅破空走竹林僧老坐我
秋林間畫半枝叩竹杖如
人瘦

記在百泉山盤渦濺泚雜佩叢
鈴暗相觸礪花如雪了了
透湖山屋蘇門蒸彩翠添銀瀑
誰家園子沿流嵌麓晚
飯家家羨湘竹流連河朔此地
從無三伏中原生爽籟天
新沐

記在玉河橋天街無賴被酒狂
歌禁門外蒲桃晶透選取
招涼珠簾冷螢流殿瓦水初賣
倦聽太液蟬聲一派想
像宸游甚時再飄紅墜粉鳳船
經秋都壞燕丹門下客皆
安在

記在魯蒙陰霜楓濃淡疊巖巖幻蒼緝秋生海市紅日
一輪孤陷晚涼催卸歇投閒店 雲迷石甌烟零玉檢翠
羽金支半明暗秦松西笑華掌碧蓮初染齊州青八九纔
如點

記在湧金門冷雲成齋落月高樓水明夜伴狂脫帽行到
宋諸陵下碧羊纏石薜眠官野 一湖蓮葉半城樵舍西
子嫣然晚粧罷隔江雪浪隱隱天風檣馬狂思橫萬弩迎
潮射

天仙子

贈寒松和尚同雲臣賦

和尚曾駐錫善
權今掩關北郭

玉洞銀樓垂碧乳夜夜老猿吟冷樹山僧興到愛溪山飛
錫住浮杯渡結箇茆庵山下路 塵界茫茫無定據雪裡

飛鴻風裡絮山僧與盡別溪山一笑去誰回顧明月滿山
無覓處

書周我成先生旅歎賦後

先生少年時曾赴馬貴陽之燕酒酣罵座竟以

此賈門

戶稱

葦上列侯開夜讌年少揮鞭弄赤電酒酣奪得紫檀槽
綉幔人驚散裂却當筵丞相面門戶凋殘風物換白髮
漸離誰作伴荒江破屋譜牢愁游俠傳無家歎月底栖烏
聲歷亂

婦人嬌

早過友人齋頭書所見

庭院清清爽爽起捲簾風大簾底露粉郎閒坐消停半晌又
趨趨黃臥無甚事吹得小池萍破曲木慵翻歌場懶作

綠莎上戲將錢鉞慣尋人事却嗔人真箇喚不應走弄荷
花殘朶

閒况

屋對晴山黛影離離爭
岷山梅瘦遞香窗眼細煎綠雪注
乳花盈椀隱几坐箋竟黃庭下卷
飼鶴斜橋聽鶯空館
更相邀兩三狂狷看雲選石趁閒身尚健此外事付與天
公總管

竹逸齋頭紫牡丹一本濃艷異常開日竹逸每約
同人流連竟夕今歲花時竹逸越游未返不獲
一至花下詞以寫懷

記得君家蹴地垂楊低鞦更紫艷臨風千朶每逢花發綠
窗邊有我與兩三禪侶詞人閒坐
今歲吳天君浮越舸

壓烟江一帆斜。簸家園春景說依然。婀娜無人處，一樹濃香深鎖。

晚浴

幾陣蟬嘶。趁了一枝花影。簾底下井華水冷。綃裳乍解。更紅酥寒凝。似素藕。浸勾碧湖千頃。浴罷凭闌晚粧慵整。且消受涼花綠茗。盈盈皓月。漸低窺金井。又畫就深院夜香風景。

佳人醉

梁谿道中積雨乍霽

一夜春蓬浙瀝聲。亂樵歌浦笛正吳娘。檣撥參差水面夜。景如墨鷄喚津橋。夢醒恰何來新霽。穿橋隙。推窗起坐。九點龍峯。遙蒼煖翠。迎着空舸。滴吟情。劇吮毫微笑。一片

晴村歷歷

江城子

戲寫姬人領巾

石頭城下小蕭娘，眼波長，翼雲光。少小隨耶，飄泊到睢陽。
恰遇游梁病司馬，剛一笑，結鴛鴦。曉寒呵手點梅粧，雪
輕颺，怕開箱。只是新年，郎又渡春江。且把木瓜還漬粉，歆
枕待，到秋涼。

題鄒九揖像

昔年同學半吳中，飲千鐘，筆如風。釵館毬門，脫帽夜過從。
看到江南紅豆熟，分散了，各西東。年來汝客晉陽宮，草
粘空，沒孤鴻。落照壺關，匹馬弔英雄。一笑畫師真鶴突，偏
畫汝，做衰翁。

石橋

茜裙提出錦箱中，向花叢闌嬌容。裙影花光都到十分濃。
記得夜涼低壓鬢，偏愛把綠雲籠。如今朱實畫簷東。亂
薰風，綴晴空。極望纍纍高下，綻房攏欲摘。又憐多子甚相
對，笑瓠犀紅。

秋懷

商飈颯沓響高天，暮雕弦散空烟。蕩撼搖林一夜透吳關。
恰值角鷹西極到，側腦視色蒼然。野夫江閣撥書眠。笛
聲圓倚闌干，那管草間狐兔劇喧闐。且攏掀頭船一隻，蒲
葦裡釣秋鱸。

鮑讓侯載酒汎舟同于皇仲震商原佩紉家弟曾
望小泊城南諸寺紀所見

西風脫葉響高天，酒如泉發狂顛。暮遇嬌紅滄粉佛堂邊。
恰似濕雲欹一朶，扶不定竹欄前。老夫側帽與翩然，晚
粧鮮屨痕圓。何事匆匆又上菊花船。市火風簾十萬戶，人
不見，水成烟。

春雨新晴過吳城西禪寺登摩利支天閣同澹心

園次雲臣南水賦

連宵怯雨思難裁，鵲聲催曙光開。且逐晴絲蕩漾繞城隈。
我此時絲還更懶，風送我轉徘徊。千尋佛閣倚崔巍，眺
荷臺漫生哀。閣外遙山幅幅，盡春苔。爭學諸天螺髻樣，青
萬朶，逼窗來。

郊游卽事

心情早起太聊蕭，出晴郊涉蘭皋。雲水茫茫不認路條條。

只揀暗香深處去，還趁着賣餠簫。春流碧到第三橋野。
梅嬌綻籬腰，何處絲楊和了酒旗飄。遙望前村偏隔水，
正與箇小船搖。

秋日同雪笠家弟子萬過恭士南郊書舍

開元寺外水雲寬，竹榼欒岸噴吭晴翠飛來濕透。幾會乾
碧碧黃黃都滴向籬落外，遠林灘。茅堂恰對此中安荻
花灘菊花開長晝，攜僧同註馬蹄篇。忽見荒城蒼鐵色，百
戰後箭成癭。

沙隨感舊

思量往事極分明，小徐卿昵雲英。蕭寺幽窗檀板勸銀鬢。
兩小一雙描不盡，紅燭下態盈盈。西風捲去隔年情，寺
鐘鳴記前生落葉中原恰。又趨離程淡月曉風昏，似夢和

淚也出層城

小桃紅

如臯冒天季自署信天翁向予索詞因有此贈每

句中俱暗用禽言及鳥名

得過還須過

得過且通禽言

力作

音做

如何作

力作禽言

說甚併焦

姿併焦會

言管他泥滑

泥滑滑禽言

且圖着火

擷笆着火禽言

任隴山秦吉了

鳥名

聰明好膏騰些個

姑惡

姑惡禽言

誰能那急急歸

急急歸禽言

休

錯音挫提罷葫蘆

提葫蘆禽言

世間那有鳳凰如我

鳳凰不如我禽言

歎

連朝行不得哥哥

行不得哥哥禽言

信天翁

鳥名

且坐

月上海棠

游顧龍山

山在金沙城外相傳明太祖曾駐蹕此山

一拳小結青蓮瓣有離離金剎鋪烟阪聞說當年翠華巡

朱旗暗卷殘碑在，搖落空捫苔蘚。京江北固千秋顯，傍
南朝易惹傷春眼。何似埋名却依然，丹崖蒼巖春花落，鶯
囀空山齋館。

歸田樂引

題王石谷晴郊散牧圖

散牧涼秋月，或樹根痒而摩者，或飲寒湫窟渡者，人立者
蹄者，鳴者，喜則相濡，怒相齧。矜秋露，毛骨印首森然如
陵闕，綠崖被坂，虧蔽滿林樾。馳一塞馬，七豕牛羊百三十
牧笛一聲日西沒。第十五句
多二字

題春郊禊飲圖

粉墨真瀟灑，綠楊天樓臺，金碧陣陣，湔裙社，杯也茗椀也。
竹也絲也，掩映花叢柳綿下。風簾烟際挂，墻裡鶯啼啾。

纏架抱琴童子穿過春山鱗詠者立飲者奕者謳者一幅
龍眠西園書

西施

廣陵某宅歌姬有旦色演西施者色藝雙絕比再
過其主人已逝此姬亦適人矣悵惋久之爲賦

此闕

偶然小駐卓金車聽曲傍簾紗司空筵上十隊拍紅牙就
裡雙鬢不肯施鉛粉一縷鬢堆鴉三年重到蕪城路空
流落可憐花銀牆綠柳愁煞那人家他日江船倘遇啼衫
客休輕撥琵琶

玉峯公讌席上贈施校書

半街絲柳帶烟拖深巷入官河畫船銀燭趙李夜經過聞

說蟲娘新自茸城到與取奏清歌
闌花簌簌聞歌落重
趁拍小婆娑地衣翠滑扶不穩鸞靴嫌煞流鶯偏在東風
底學唱定風波

千秋歲

壽栢鄉魏相國

黑頭台鼎畫戟牙門整文筆健風裁正芙蓉丞相府屈軼
中書令論事業從來魏自同於丙
北斗斜珠柄南苑陳
金鏡司馬相臣民慶明堂朝玉帛太廟編鐘磬魚水樂千
秋不數貞觀盛

沙堤隱隱直接丹霄近臣稷契君堯舜天留黃閣老月昭
頭廳印遺說道秋期今日懸弧準
簾外涼飈緊墻下新
相引仙醞熟宮袍俊地居卿貳上骨帶神仙分齊獻祝

山蒼翠堆千寸

咏紙鳶

翩翩自喜。跌宕青天裡。麥鐵杖。鳶肩子。盤空箏夜叫。削草
應秋起。輕俊也。一場搬弄真兒戲。三十年前事。觸着難
忘記。楊花港。桃花寺。隣童誰更在。老眼頻經此。重拈看。原
來依舊情如紙。

摩空決起。此事偶然耳。材最小。風偏利。輕狂應有恨。浩蕩
憑誰致。須記取。青春牢把長繩繫。已自飛騰遂也。筭雲
霄器。莫浪語。休私喜。送來天上。便望向城頭。悸。真險着。老
夫只合街頭睡。

滄州戴浴扶以人日懸弧作詞以贈

新鷹尖背已作摩空勢。筆陣快詞鋒。銳温那何足道。燕許

真同章才八斗綠毫人是青雲器 鸚鵡君家事三禮箋
完未才地盛門風貴新春歡七日小令歌千歲微醉也斜
飛玉燕東風細

離亭燕

雨中將發梁溪雲臣拉赴竹逸齋頭看梅小飲數
巡匆匆判袂升艫若失悵賦小詞

花妮行人小惹鶯怪行人低罵正值小樓開似雪抵死只
將帆挂粉淚臉邊明脉脉含情待話 嗚付梅清月寡暫
耐雨婚煙嫁此去春江帆正滿路隔纜踰一舍待汎惠泉
歸相賞水邊籬下

于飛樂

鷓鴣

彩翼文禽。一生睡煖。漣漪葡萄春漲初齊。度朱欄、穿綠派、
做弄葳蕤。畫樓低處金塘好。漾盡紅衣。孔雀樓頭，錦鷄
閣上，讓他毛羽。非惹黃鸝和乳鴨。妬爾雙棲。生憎杜宇，
東風裡、只向人啼。

隔簾聽

聽舊家歌伎隔牆度曲

十載畫樓烟月。凝想歸何處。黃蘄新作瑤妃侶。悵碧海、茫
茫瓊樓清苦。無一語掩紗窗。低籠雁柱。將情訴。粧樓一
所紅粉牆圍住。歌聲偏透紅牆去。想他牆內新愁萬縷。伊
知否。隔牆一般悽楚。

師師令

席上同雲臣咏雛姬

詞話卷之八
九
意正生

句紅剔翠擲星眸斜賣春嬌尚未忒玲瓏却已會三分無
賴笑匿花叢衫影在怨風吹羅帶銀箏研緊鷄鳴快做
婦人情態玉船頻到只推辭道酒病昨宵會害接碎紅梅
庭下灑寫粉郎心壞

汴京訪李師師故巷

宜和天子愛微行坊市有人潛隱小屏紅低唱道香橙纖
指夜半無人鶯語脆正綠窗風細如今往事消沉矣悵
暮雲千里含情試問舊倡樓奈門巷條條相似頭白居人
隨意指道斜陽邊是

隔浦蓮近拍

飲小三吾亭前古梅下

今到嶺春天氣袷服爲佳耳人在梅根冷暗香疎影迢

鏡內紅生杯中綠
泥小吸宜城蟻消魂死
那人蛾綠料
應玉貌如此難憑春驛折
寄一枝千里橫笛誰吹東風起
生怕玉鱗飛著春水生

夏日村居

空村如澣靜
情不用鄰翁掃水
柵簷聲響沙映水逾滿
照傍岸松半老
閑來靠漫理晴江釣
釣絲袅涼風暗襲得
風叢竹都笑帆投極浦兀兀
櫓聲將杳典倦收綸起荷蓀
恰好窺人一點月小

暮秋江上偶步萬佛林卽黃介子先生舊宅

西風吹響占木亂葉埋僧屋
畧約鋪蒼蘚攀樹瘦穿崖腹
江郭圍楓榭登山麓造望銀濤
轟駭心目王珣池館沙鷗浦
鴨爭浴一聲齋磬彷彿雨淋鈴
曲踏徧綠垣尋斷鐵

茶熟老僧帶暝歸獨

夏日寓吳門花溪草堂與西滇夾水而居賦示西

滇

玲瓏雲水幾處借我閒消暑掠檻沙鷗過潭香觸碎成雨
千頃風荷舉紅粧嬌細荷中心苦最憐汝披襟脫帽新
涼隨意舉取松風細響綠雪暗翻花乳林際濛濛皓月吐
四鼓隔波尙有人語

賞荷同南耕緯雲賦

空明雲水浩淼渚瀨叢幽篠綠淨誰能唾瓊奩啟簾漪情
啾啾騰翠鳥菱潭窈紅藕花開了數枝裊蓮娃極浦羅
裙爭盪清曉盈盈翠榜烟舸競將紅闌摘得荷房縹蒨小
月波兀波柔櫓聲杳

傳言玉女

雨中舟次吳關不及過晤園次同緯雲子萬寄懷
記得尋君纔過匆匆燈市伯通橋下挽征衫且愁垂柳幾
樹臨別倚欄斜指再來看汝定鵝黃矣 柳已鵝黃擷頭
船恰又至滿船絲雨捲春簑困睡微茫驛樓料想水城將
閉知他花下已應微醉

舟經懷遠訪凌道一

半載繁臺憶殺別來秋水公劉重見喜碧猶如此無數
簞箸零亂烟橋夜市估船次岸舟愁千里 聞道君家在街
頭黃葉裡情親小話與篙師暫艤崢泓淡沲隱隱江樓笛
起關山一望何其明綺

百媚娘

春日憶洛下舊游

草把裙兒屐比花，與臉兒潮似恰聽枝頭鶯語滑。眉逗一絲新喜，聞說酒旗歌板地，多少嬉游子。憶在洛橋晴市，又向瀟川烟埃，一斛柳綿飄不定，撲着車如流水，無數鞦韆墻角裡，天半紅繩起。

送晦仙校書落籍次友人韻

日午鶯猶貪夢，風定花誰播。弄閒說長條，新有玉縱與纏綿，何用雖不干，卿愁却種嬾。把春鈎送，夾路香塵將動，一曲紅綃權奉。從此真成千里隔，只有月明相共。戲語小樓燕，赤鳳掌舞休嫌重。

暗用飛燕故事校書徵豐故戲之

剔銀燈

佛手柑不至詞以寄慨

記得常年此際風送闔天柑子珠船。此輕花洋浪細香編
吳頭楚尾武夷仙使向縹緲鯉湖傳至。詎料巖關笳吹
竟隔千山萬水。天竺烟深潮音月落。今日不知何世。匆
彈指都不道江山如此。

春景

陣陣蘭情水意。隊隊描朱刷翠。小巷藤蕪斜街皂筴。都被
雨酥烟膩。東風多致。簸弄做賣飴天氣。莫負年光韶媚。
早辦漁樵家計。故國繁華。前生詩酒。身似潯陽江伎。且拚
沉醉。做蝴蝶向花間睡。

燈節前一日雨中雲臣招同楨百大士雪持集飲
蝶庵卽事

記得昇平佳麗。此夜是上元天氣。圓月打頭暗塵隨馬陣。

陣梅邊水際茜裙珠髻喧笑處香街聲沸
今歲冷清清
地未晚禁城先閉一盞燈昏千家門掩釀就春寒恁細雨
絲飄砌展幾疊小屏圖醉

解蹀躞

夜行榮陽道中

峽劈成臯古郡人雜猿猱過斷崖怒走蒼龍立而臥此乃
廣武山乎噫噫古戰場哉悲來無那卸鞍坐烟竹吹來
入破一林纖月墮雁聲不歇砧聲又攙和歷歷五點三更
馬前漸逼榮陽城頭燈火

秋雨夜宿田舍

森森孤村斷堦只浪花翻舞疎檠自綠茅簷伴人住休問
紅糯黃粱總舉菰米菱絲濕烟難煮
夜將曙白項鴉啼

棠樹樹西近官路叢叢古廟老巫擊銅鼓敢倖今歲西成
祇禱暫歇床頭淙淙秋雨

下水船

暮次丹陽宿周丹申齋中同湯谷賓夜話

風吼處亭樹鳴黑難投逆旅徑詣君家呼酒喃喃爾汝此
間路一派濤轟沙莽幾陣烟淒風苦 凭欄顧霸氣荒終
古笑問寄奴何處若爲吾歌吾爲若拍張舞天將曙起掃
車箱冰花爭火僕夫寒語

碧牡丹

本意

牡丹鮮碧者向在鄂
陵會見之追賦是詞

隔葉尋難着勝玉樹欺紅藥縹色衣裳睡熟沉香亭角一
朶雲鬢被雨梳風掠趁花容暉烟萼 柳陰薄色向苔錢

落波痕皺眉痕弱鸚鵡籠中也整綠衣偷學一別名花悵
碧雲天各倩青鸞到湘閣

風入松

上巳後二日洗鉢池汎舟卽事同亦史山濤賦

蜻蛉小泊斷橋東人在櫓聲中水面殘霞飛不定春波靜
填翠玲瓏夾岸細桃斑竹半船淡月微風 紗窗盡摘簾
紋融心事暗惺忪小拂絲楊人語細春衫碧恰似新桐可
惜小浣溪上明朝更與誰同

苦暑戲與客語

炎炎火鏡正燒空避暑苦無從客言安得匡廬瀑還移取
華井秦松玉女盆邊吹露水仙祠畔餐風 答言計總未
爲工不若在軍中平驅十萬橫磨劍濤聲怒硬箭強弓惡

浪千堆盛黑戰旗一片搖紅

納涼

當年結夏映層潭脫帽卸輕衫柳絲斜颺陰蓬捲釣檻外
碧色微添橋背嫩涼瑟瑟村頭老樹毵毵 水天閒話對
誰談城市我何堪采菱放鴨江鄉伴無人問老子溪南浮
世飛鴻雪爪故山亂葉茅庵

寒鴉

敬斜頰漫徧燕隴僵冷甚袁安誰將水墨濛濛畫做邊城
一抹荒寒小日曾藏柳葉前身慣上釵鬢 無端誤點早
朝班髣髴認龍顏六官怕有人爭妬帶昭陽日影飛還惆
悵舊遊何處孤村流水之間

迦陵詞全集卷八終